



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-469-3/23**
Datum: **15.11.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „LIVI“ d.o.o. Sarajevo za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju deterdženata i sredstava za pranje i poliranje, koji se nalazi u krugu bivše „Željezare“ u Ilijašu, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu „LIVI“ d.o.o. Sarajevo, daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju deterdženata i sredstava za pranje i poliranje, koji se nalazi u krugu bivše „Željezare“ u Ilijašu, na zemljištu označenom kao k.č. broj: 256 K.O. Ilijaš Grad.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „LIVI“ d.o.o. Sarajevo, obezbijedi da se sistem za prikupljanje, prečišćavanje i ispuštanje tehnoloških otpadnih voda i objekti izgrađeni u krugu poslovnih objekata za proizvodnju deterdženata i sredstava za pranje i poliranje, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se zaštitna tankvana oko rezervoara kao i sami rezervoari hemikalija, opasnih i štetnih materija, redovno kontrolišu na vodonepropusnost te poduzimaju sve odgovarajuće mjere u cilju sprečavanja akcidentnih zagađenja usljed eventualnog curenja iz rezervoara i tankvane.
 - 3.3. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring iz dva separatora (iz separatora sa parkinga nije obavezno uzimati uzorke) u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne

- odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.6. Ukoliko Vlada Sarajevskog kantona propiše dodatne (strožije) uvjete od uvjeta definisanih članom 15. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
 5. U periodu važenja ove dozvole, korisnik predmetnog objekta, „LIVI“ d.o.o. Sarajevo, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „LIVI“ d.o.o. Sarajevo, zahtjevom broj: 01-02-17/08-23 od 26.10.2023 godine se obratilo ovoj Agenciji za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona pogona za proizvodnju deterdženata i sredstava za pranje i poliranje, koji se nalazi u krugu bivše „Željezare“ u Ilijašu, na zemljištu označenom kao k.č. broj: 256 K.O. Ilijaš Grad.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka broj: 065-0Reg-17-006321 od 21.12.2017 godine izdat od strane Općinski sud u Sarajevo-ovjerena kopija,
- Uvjerjenje o poreznoj registraciji izdato 24.01.2018. godine, od strane Porezne uprave – Kantonalni ured Sarajevo-ovjerena kopija,
- Obavijest broj 04/1-20-651/18 od 21.03.2018 godine od strane Službe za privredu i finansije, Općine Ilijaš,
- Rješenje o odobrenju za građenje broj: 03-23-1420/03 od 01.10.2003 godine izdato od strane Službe za prostorno uređenje, stambeno-komunalne poslove, Općina Ilijaš,
- Ugovor o iznajmljivanju poslovnog prostora zaključen dana 04.10.2017 godine između Avdović Dine iz Ilidže i „LIVI“ d.o.o. Sarajevo,
- Zaključak broj: UP-I-05/2-23-11-239/17 od 18.04.2023 godine izdato od strane Federalnog ministarstva okoliša i turizma,
- Rješenje o vodnoj dozvoli broj: UP-I/25-2-40-570-4/21 od 20.12.2021 godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Ugovor o skupljanju, skladištenju i zbrinjavanju opasnog otpada od 27.12.2022 godine sklopljen sa „KEMEKO BH“ d.o.o. Lukavac,
- Izvještaj o monitoringu kvaliteta i kvantiteta otpadnih voda, oktobar 2023 godine, urađen od strane „Inspekt RGH“ d.o.o. Sarajevo,

B. Tehnička dokumentacija

- Glavni projekat vanjskih instalacija vodovoda i kanalizacije za prikupljanje, tretman i ispuštanja otpadnih voda za proizvodni pogon u Ilijašu, investitora „LIVI“ d.o.o. Sarajevo urađen od strane ovlaštenog pravnog lica „SENDO“ d.o.o. Sarajevo, novembar 2021 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-469-2/23 od 10.11.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Pravno lice „LIVI“ d.o.o. Sarajevo proizvodnju deterdženata, sredstava za pranje i poliranje vrši na lokaciji koja se nalazi u krugu bivše „Željezare“ u Ilijašu na zemljištu označenom kao k.č. broj: 256 K.O. Ilijaš. Od rijeke Bosne je udaljena cca 260m.

Na navedenoj lokaciji se nalaze izgrađena dva objekta (administrativna zgrada i proizvodna hala).

U proizvodnom procesu proizvodnje deterdženata i sredstava za pranje i poliranje se koristi voda i ista uglavnom ostaje u samom proizvodu (cca 90%).

Tehnološke otpadne vode nastaju u toku procesa proizvodnje deterdženata i sredstava za pranje i poliranje u reaktorima i to vrlo male količine i iste će se pomoću pumpi odvoditi u cisternu do ponovnog vraćanja – recirkulacije u proizvodnom procesu.

Obzirom da se radi o zatvorenom sistemu sve tehnološke otpadne voda će se sakupljati i vraćati u proizvodni proces.

Oborinske vode sa manipulativnih površina predmetnog poslovnog objekta na kojima se vrši transport proizvoda se sistemom slivnika će se odvoditi na separator ulja i masti, a potom ispuštati u kanizacioni sistem u sklopu starog kruga Željezare, Ilijaš sa ispustom u rijeku Bosnu.

Prijem, uskladištenje i priprema sirovina se vrši u odgovarajuće opremljenom skladišnom prostoru koji je u sklopu proizvodnog objekta.

Čišćenje prostorija se vrši suhim putem. Otpad od čišćenja i eventualnog rasipanja se koristi u proizvodnji ili se odlaže na propisan način kao otpad.

Podnosilac zahtjeva je zaključio Ugovor o zbrinjavanju opasnog otpada sa firmom ovlaštenom za tu djelatnost.

Snabdijevanje vodom poslovnog objekta planirano je iz gradskog vodovodnog sistema kojim upravlja JKP „Vodostan“ d.o.o. Ilijaš.

Izvještaj o ispitivanju kvaliteta otpadnih voda sa lokacije pogona za proizvodnju deterdženata i sredstava za pranje i poliranje sa pratećim objektima, oktobar 2023 godine, urađen od strane „Inspekt RGH“ d.o.o. Sarajevo, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka c) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „LIVI“ d.o.o. Sarajevo, ispunio minimum uslova za izdavanje vodne dozvole za ispuštanje tehnoloških voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).


Uputa o pravnom lijeku:-

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.grad.



Dostaviti:

- „LIVI“ d.o.o. Sarajevo, Bosanski put br. 215 , Ilijaš (Prilog: Tehnička dokumentacija navedena pod tačkom B obrazloženja Rješenja)
- ⊖ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo